

1 TIMOTI

Khe Por Fharav Timoti Ndi Khergi Gap

Khe fharav ganinga buni khare.

Timoti, ana Garesia ngu bakime fhain Ristra ngu bakimen guigira Zisas kothigi guman kam ma. Ana ntigera Zisas kothigi guma ma. Anan niamuun Zudian mbik ma. Anan ndia, ana Grikar guma ma. Por ana ndigim, ana ana phorga ruav Fhe Bakime ngip buni vhuun bun nzua rui njaara mbui. Ndu FG 16.1 kegip ganiv ves 3 thigiri. Timoti zumgum sios gari guman pan kav, ana Efesus sios gari guman pan kim, Por kha gava khergiap, ana ndi mbarigi.

Por mba gava khergiap, ana fharav ana nzuai kameŋ khaŋ muunŋi. Por khaŋ nzuai, Timoti tui-tuigira mba guigira Zisas kothigi gumgi gu mbigi, ana mbe Zisas kothigi tiva ganiri. Ana gumgi thari ganirim, mbe ziv, mba guigira Zisas kothigi tivar farfa thari. Mba gumgi, mbe harigi khesharigi ndikndigi ki. Mbe kha khesharigi ndikndigi ga mbui. Mbe khaŋ nzuai, “Kha nuiana bigi, nta nzerigi fhuvara. Maan muunŋip, guma ana zazera mbara muunŋiap ki biŋbiŋ ndir za mbui, ana kha nuianan mba thari, ana nta thav, ana muun rigi thari.”

Kha fharigi bunen thigi buna bakime, kha gap ne nzuai, ne khare. Por rotu ga mbui tivir vhuun ganiv, siosan njaari ganinga ne nzuai.

Por vhira guigira Zisas kothigi gumgi gu mbigi ganinga guma ga nzuav vhira siosan njaara guma ga nzuav, khan nzuai, “Ram muungi khesharigi guma, ana sios gari guma gum siosan njaara guma kirie?” Kha gavar mpuur kamenj, ana Timoti ga nzuai. Ana khan ana nzuai, “Ana Zisas Kraisan njaara guman vhuun kiv, ana mba guigira Zisas kothigi gumgi gu mbigi, ana bevbevira mben muunga tivi, ana nta nzuai.”

Timoti wo mbui tivi, ana tuituigip nta ganiv, ana vhira mba siosan ki gumgi gu mbigi, ana vhira tuituigip mbe ganiri.

¹ Gu Por, gu Krai Zisas farasarigi njaara guma. Gu taagia nza ndi Fhe Bakimen njaara guma kav, nza guigira kothigi guma, Krai Zisas, nza ana rarga ki. Mani nan farasarigim, gu manin njaara guma ki.

² Timoti, ndu na phorgap guigira Zisas kothigap, ndu guigira nan kama fara muungi. Gu kha gava khergiap, ndu ndi mbai. Nzan Ndia Fhe Bakime gum nza Bakime Krai Zisas, mani tivar vhuun ndun muunv, ndun korar muunv, ndava mitigar ndun nihrim, ndu kiri.

Nza mba guiguigi buni, nza za nta mbevarim, nta ngirgiri.

³ Gu fhum Masedonian ngir zav, gu mba kamen ndu suangi, gu ntigem mba kamenra taagiap ndu nzuai. Gu khuenj vuzvugi, ndu Efesusra kiv, ndu

kama havharar Fhe Bakime buni vhuuin mba gumgi gu mbigi ga nzuav, mbe guiguigi gumgi phorgi suanri.

⁴ Ndu mbe suanrim, mbe mba fhura nzigi nenji nzari khini gum, mbe won nzigi ziri zitav, mbe buni, nenji, mbe nta thari. Mba khesharigi buni, nta fhura mbe ndikndigi ngi buni ma. Nta mben kurarim, mbe Fhe Bakime kothigirga tuktiigi fhuvara. Nta vhira mben kurarim, mbe Fhe Bakime nzan muun za mbui vuzvuk, mba vuzvuk, ana guigira bigi kothigi tiv, mbe tuituigip ana kangirga tuktiigi fhuvara.

⁵ Fhe Bakime muun zav nza suangi njaar, ana khan muungi. Ndu guigira kha gumgi gu mbigi ga suanrim, mbe guigira Zisas kothiviv, mbe Fhe Bakime niman guigira ngariv kiv, khuen kangirga, tivir vhuuin gu tivi mbatigi. Mba tivi mbe ndikndigi khavirim, mbe guigira ndavir warir niinga.

⁶ Gumgi mbari, mbe ntigem mba tivi thav, mbe fhura nanjanav, fhura buni khini nzuai.

⁷ Mbe Moses suangi tivir harigi gumgi khivirgen vuzvugiap, mbe khivi. Mbe mbe khivav khuen ndikndigi, nza nzuai buni nta guigi guarara. Mbe maan nzuav, mbe nduarira wari wo nzuai buni, mbe nta niinge kangi fhuvara. Mbe vhira, mbe nduarira wari wo nzuai buni, mbe nta kangi fhu.

⁸ Nza khuen kangi, Moses suangi tivi, nta tivir vhuuin ma. Guma tuituigip nta zin ngirga, nta nzerarga.

⁹ Moses suangi tivi, nta mbui njaar khan mbui fhuvara. Nta tivir vhuuan mbui gumgi gu mbigi tivi ndiv thigar mbai fhuvara. Nta mbui njaar khare, nta Moses suangi tivi daav ririhi gumgi gu mbigi, nta mben tivi ndiv thigar mbai. Nta vhira kir Fhe Bakime segap, tivi mbatigi ga mbui gumgi gu mbigi tivi ga nzuav, mbe nzuai tivi ma. Nta Fhe Bakimen tivi thav, kha nuiana tivi zin vui gumgi gu mbigi ga nzuav ki tivi ma. Moses suangi tivi, nta khan muungi. Guma won ndia gum niamuun shogim, mani rimgi, nta ne suanv ana suanga. Nta vhira harigi guma shogim, ana rimgi guma, nta ne suanv ana suanga.

¹⁰ Nta vhira harigi gumgi gu mbigi ruarir wari ndi, nta ne nzuav mbe nzuai. Nta vhira gumgi Sodoman kav muungi tivi mbatigi, mba khesharigi tivi mbatigi ga mbui gumgi gu mbigi, nta mbe nzuav nzuai. Nta vhira gumgi harigi gumgi kivi, mbe ndi mbaim, mbe fura harigi gumgir njaar gumgi ki gumgi ga nzuav nzuai. Nta vhira bigi guiguigav, fhura kha vun ki guma zi ziti gumgi gu mbigi ga nzuav, vhira Fhe Bakime suangi tivi panan nta kegi tivi mbatigi ga mbui gumgi gu mbigi nta vhira mbe nzuav nzuai.

¹¹ Mba kamej ne guigira, ne Fhe Bakime na niingi kaman vhuuej vhen ki. Gu khar mba kamej bun nzuai. Gu bun nzuai kaman vhuuej khan nzuai, Fhe Bakime ana vhava njaara bakime phorga kim, ana njaska, ana nduara guigira fharigi. Ana nduara ndikndiga guara niinge ma.

Por Fhe Bakime ana kora muunji ne nzuav, anan ndikndigap ana phorga nzuai.

¹² Nza Bakime Krais Zisas ana nkasɲkar na niɲgiap na kothigi, gu ana njaarak muunga tukɲgi. Ana maan muunjiap, mba njaarak muun zav nan farasarigi. Gu maan muunjiap ne nzuav anan ndikndigi.

¹³ Gu guigira fhum, ana zi nziiv, gu panan ana kegap, gu buni mbatigi ana suanji. Gu ana muunji bigi, ana nta kanji. Ne khan muunji, gu mba tugen gu tuituigiap ana kanji fhu, gu vɲira ana kothigi fhu. Gu maan muunjim, ana nan kora muunji.

¹⁴ Nza Bakime Krais Zisas, ana guigira nan kora muunjiap, na ndikndik khavgim, gu ana kothigap, gu won ndavar harigi gumgi gu mbigi ga ndiii.

¹⁵ Krais Zisas, nza tɲivi mbatigi ga mbui gumgi gu mbigi, ana taagip nza ndir zav kha nuianan zergi. Kha kameɲ ne guigi guarara, kha gumgi zam kha kameɲ mbararagip, ne kothigiri. Gu guigira tɲivi mbatigi ga muunji guma guar ma. Gu muunji tɲivi mbatigi, nta guigira kha gumgi mbui tɲivi mbatigi kamarigi. Gu fharav kha gumgi kharav, tɲivi mbatigi ga mbui guma ma.

¹⁶ Zisas Krais khueɲ vuzvugi, kha gumgi gu mbigi zam tuituigip khueɲ kanjirga, ana tɲivi mbatigi ga mbui gumgi gu mbigi, ana guigira mbarara mbe nzuai guma ma. Ana maan

1:12 FG 9.15; Ga 1.15-16 **1:13** FG 3.17; 8.3; 9.4-5; 1 Ko 15.9-10; Ga 1.13 **1:14** Ru 7.47; Ro 5.20; 1 Ko 15.10; 2 T 1.13 **1:15** Ru 15.2; 19.10; Ro 5.8; 1 T 3.1; 4.9; 2 T 2.11; 1 Zo 3.5

muunjiap fharav nan kora muunji. Mba gumgi gu mbigi ana na muunji tiva gangip, mbe ana kothigirga, ana zazera mbara muunjiap ki biin mben ningirga.

¹⁷ Fhe Bakime zazera mbara muunjiap kav ngui vhirve gari guman pan ma. Ana rii ne fhuvara. Nza kha gumgi gu mbigi ana gangi fhu. Ana nduara guigira Fhe Bakime ma. Maan muunjiap, nza zazera ana zi ndiv vun kuamkuarga, ana nduara fhara kirga. Ne guigira.

Timoti khan tigip havhargip, tivi mbatigi phorgip shogiv, nta mbeviri kiri.

¹⁸ Nan kam Timoti, gu fhum Fhe Bakimen kamthoon guma ndu muunga kamen suangi, gu ne ga ndirigi. Gu ne ga ndirigap, gu ndu muunga bigi bun ndu nzuai. Ndu mba Fhe Bakime kamthoon guma suangi kamen, ndu fhura ne ganirim, ne ndu ndava khaviri. Ndu khan tigip havhargip, mba tivi mbatigi phorgiv shogip, nta mbeviri.

¹⁹ Ndu mba ntarar muunv guigira Zisas kothigip ndu khuen kangiri, ndu Fhe Bakime niman bigin thuen suanv simtik kirga fhu. Gumgi mbari, mbe khuen kangi, mbe pham bigin muen muunji, mbe ne kangiap, mbe fhura Fhe Bakime ganirim, ana mbe muunji bigen ndi thigar maan thagi. Mbe maan muunjiap kav, zumgum mbe Zisas kothigi ndikndik za mbatigiap, mbe kem vov, nkhar tin ndav za mbatigi fara muunji.

²⁰ Himeneus gu Areksander, mani vħira mba tiva muuŋgim, gu mani ndim, Satan farve khingi. Mani tuituigip khueŋ kaŋgir zav, mani wom buni mbatigir Fhe Bakime suanga fhu.

2

Nza zam kha gumgi gu mbigi ga suaŋv Fhe Bakime suaŋrim, Ana mben kurkurarga.

¹ Ndu fharav muunga bigeŋ khare. Gu khaŋ tiga havhargiap ndu nzuai, ndu mba gumgi gu mbigi ga suaŋrim, mbe Fhe Bakime phorgip suaŋv, ana ndikndigiiv zam mba gumgi gu mbigir kurkurar saŋv, ana phorgi suaŋv, ana nzaŋri.

² Mbe vħira ŋgui vħirve gari gumgir pani gum ŋgui gari gumgir panin kurkurar saŋv ana phorgiiv suaŋri. Nza maan muuŋgip tuituigip piigip, ndavi mbirav wari kiv, Fhe Bakime suaŋgi tivi, nza nta zin ŋgirga.

³ Mba khesharigi suambara mbuav Fhe Bakime phorga nzuai tiv, Fhe Bakime mba tiva garim, ana ana rımanin nzerigi. Ana taagiap nza ndi guma ma. Ana guigira mba khesharigi nzambari vuzvugi.

⁴ Ana maan muunga, mba gumgi gu mbigi zam guigira ana buna vhuueŋ kaŋgirga, ana taagip mbe ndigirga.

⁵ Nza kaŋgi, Fhe Baki bavira ki. Guma bavira, ana rigigera ki guma ma. Ana Fhe Bakime gum

1:20 1 Ko 5.5; 2 T 3.7-8; 4.14-15 **2:1** Jer 29.7; Ese 6.10; Ro 13.1; Ef 6.18; Fi 4.6 **2:4** Ese 18.23; Zo 3.16-17; 17.3; 1 T 4.10; 2 T 2.25; 2 Pi 3.9 **2:5** Ro 3.29-30; Ga 3.20; Hi 8.6; 9.15; 12.24

gumgi gu mbigi, ana mben rigigera ki. Mba guma, ana Krai Zisas ma.

⁶ Fhe Bakime sarigi tugara, Krai won tuma fekhingiap, zam kha nuianan ki gumgi gu mbigi ga vhezgi. Nza mba tiva gangiap, kangi, Fhe Bakime kha tivar nza khivigi. Ana zam kha nuianan ki gumgi gu mbigi ndirgen vuzvugi.

⁷ Fhe Bakime nan farasarigim, gu ana njaara guma ki. Gu guigira khar nzuai. Gu guiguigi fhudara. Ana mba harigi fhain ngui gumgi gu mbigi, ana wo buna vhuuen mbe khivirim, mbe Krai khotigip, guigira buna vhuuen kangirga.

⁸ Maan muungiap, gu khuen vuzvugi, kha nuianan ki ngui gumgi, mbe zam wari won ntuun anan ningip, ana niman ngaravra kiv, ndavi shiav kaadogi tivi thav, hari ngav, Fhe Bakime phorgiv suanri.

Naari vhuuin ga mbui tivi, nta guigira mbigir sin ma.

⁹ Harigi buna muen khan muungi. Gu khuen vuzvugi, guigira Zisas khotigi mbigi, mbe fhura ferfera rui mbigi wari nzi sin muun thari. Mbe fhura ferferip, sin mbatigar warir muunv mbarkirga sin muunv, wari won pani sinv, nkha vun ndagi shagi gu bigi shariv, gorar muungi bigi wari sin thari.

¹⁰ Khan nzuai mbigi, nza guigira Zisas khotigap, ana zin vui. Mbe mbarkirga naari vhuinra muunga. Mba tiv ana guigira mben sin guar ma.

2:6 Mt 20.28; 1 Ko 1.6; Ga 1.4; Ef 1.7-9; 2 Te 1.10; Ta 1.3 **2:7** FG 9.15; Ga 1.16; 2.7-8; Ef 3.7-8; 2 T 1.11 **2:8** Ais 1.15; Mal 1.11; Zo 4.21 **2:9** 1 Pi 3.3-5 **2:10** 1 T 5.10

¹¹ Nde mbigi, nde wari won thiri pingip, wari mbevav, Fhe Bakime buni vhuuin ndiri.

¹² Gu fhura mbigi garim, mbe gungi garav Fhe Bakime bunin vhuuin mbe khivav, mbe nzuai fhu. Zakira fhuvara! Nde mbigi, nde fhura thiri pingip, buni mbararari.

¹³ Nde mbarara, Fhe Bakime fharav Adam ga muungiap, ana zungum Iv ga muungi.

¹⁴ Adam ana guiguigi buni kothigi fhuvara. Mbik, ana guiguigi buni kothigap, ana tiva mbatigen muungi.

¹⁵ Mbigi, mbe muunga naar khare, mbe tari targa. Mbe maan muunv, mbe zazera Krais kothiviv, wari won ntuur ana niinv, ana niman ngaravra kiv, mbe guigira wari won ndavir harigi gungi gu mbigi niinv tivir vhuuin muunga, Fhe Bakime taagi mbe ndigirga. ^a

3

Sios gari gumgir pani, mbe tivir vhuuin zin ngiri.

¹ Kha kamej ne guigi guarara, guma ana siosan guman pan kirgen vuzvugi, ana naara vhuun vuzvugi.

² Guma, ana sios gari guman pan ki, ana tivir vhuuinra zin vui. Mba gungi, ana muungi tiva mbatiga thuen ganinga fhu. Ana vhira muun bavira kiri. Ana tuituigip perav, ana ndikndigi vhuuinra zin ngiv, tivir vhuuinra muunri. Ana phenan zi gungi, ana tivar vhuunra mben muunv,

2:12 1 Ko 14.34 **2:13** Stt 2.7; 2.21-22; 1 Ko 11.8-9 **2:14** Stt 3.1-6; 2 Ko 11.3 ^a **2:15** Kha vezar mbe Grikar kaman suangi kamej tuituigiap higi fhuvara. **3:1** FG 20.28; Ef 4.12; Fi 1.1; 1 T 1.15

3:2 1 T 5.9; 2 T 2.24 **3:2** Ta 1.6-9

tuituigira mbe ganiri. Ana vhira tuituigira Fhe Bakime buna guarenj kanjip, ana mba harigi gumgi khivirgenj kanji, mbe khiviri.

³ Ana pharar nannanin mbiv nannani thari. Ana vhira vhemkora ndav shiv harigi gumgi shogi thari. Ana mbarara mbe suanri. Ana nkhiara suan muun thari.

⁴ Ana vhira gangana vhuunra won muun gu tarir muunv, won tari ga suanrim, mbe ana piin kiv, ana buni mbararav nta zin ngiri.

⁵ Guma, ana won muun gu tari, ana gangan vhuun mbe mbui fhu, ana Fhe Bakimen sios gangirga tuktigi fhu.

⁶ Ntigera Fhe Bakime zi panan ruagi guma, ana sios gari guman pan kegirga tuktigi fhuvara. Ana maan muungirga, ana khuenj ndikndigirga, gu guman vhuun ma. Ana mba ndikndigar muunv, riinjiriga, Fhe Bakime Satan ga nzuav suanji tivara muungip, ana suanv suangirga.

⁷ Guma, ana sios thav kirar ki gumgi niman, ana zin vhuun ki, mba guma, ana sios gari guman pan kirga tuktigi. Ana zin vhuun kirga fhu, mba gumgi buni mbatigir ana suanga, Satan won vhiar ana ndigirga.

Siosan njaara gumgi, mbe tivir vhuunra zin ngiri.

⁸ Mba tivara siosan njaara gumgi, mbe vhira ndikndigar vhuun won njarir muunri. Mbe thinkhum phunianj gi thari. Mbe pharar nannanin mbi thari. Mbe fhura gumgir nkhi gu bigi ngi thari.

⁹ Mbe khuenj kangiri, mbe Fhe Bakime rimani niman, mbe bigina mbatik thuenj muungiap, nen simtiga ndi fhu. Mbe vhira Fhe Bakime nza khivigi buna guarenj, nza ne kothigi, mbe mba buna guarenj, mbe ne suira havhargiri.

¹⁰ Nde fharav mben mpirav mben njara ganiri. Mbe maanj muungip njara vhuunja muunga, mbe siosan njara gumgi kirga.

¹¹ Mben muinj, mbe vhira ndikndigar vhuun mbe mbui tivir muunjri. Mbe fhura shishigip buna thuen harigi gumgi ga siv, buna thuenj suanj thari. Mbe tuituigip piigip, mbe mba ndigi njari, nza mbe kothigi, mbe tuituigip ntan muunjri.

¹² Siosan njara guma, ana mbiga bavira man kiri, ana vhira won muunj gu tari ana tuituigira mbe ganiri.

¹³ Siosan njara gumgi ki gumgi, mbe njara vhuunja mbui, mbe zin vhuunj ki. Mbe vhira guigira Krai Zisas kothigi, ne bun suangen rivi fhu.

Fhe Bakimen tivir vhuuin n#en, ne bigina baki guarenja.

¹⁴ Gu vhemkora mbar ngip, ndu ganingenj vuzvugi. Gu thav, kha ndikndiga mbui, gu kha kamenj khergip, ndu ndi maanga ne nzerara.

¹⁵ Gu maanj muungip vhemkora ndun han ngigirga fhu, ndu kha bunenj gangip, ndu nza Fhe Bakime ntiri muunga tivir vhuuinj, ndu nta kangip, nta zin ngiri. Nza Fhe Bakime ntiri, nza zazera mbara muungiap ki Fhe Bakimen sios ma.

Nza mba sios, kina havharage fara muunjiap mba buna guarenj phufurigi.

¹⁶ Nza tuituigiap khuenj kangji, Fhe Bakime mbui tivir buna nienj, ne guigira bigina baki guarenj ma. Mba bunenj, Fhe Bakime nen nza khivigi, ne khan muunji.

Ana guma guarara gegim, kha gumgi gu mbigi ana gangi.

Fhe Bakimen Njina Njaar khuen nza khivigi, ana wo bun nzuai, ne guigi guarara.

Fhe Bakime enseri, mbe vhirana ana gangi.

Kha nuianan ki gumgi vov, ana buni vhuuj bun za kha gumgi ga suangi.

Za kha nuianan ki gumgi gu mbigi, mbe mbari ana khotigi.

Fhe Bakime ana ndigap, vun ndagim, ana zi bakime ndigi.

4

Kha khesharigi guiguigi buni, nta gumgi gu mbigi ndikndigi ngi.

¹ Fhe Bakimen Njina Njaar thugara phirav, khuen bun nzuav khan nzuai, zumgum Zisas taagi zirirga tuk han mbararga, gumgi thari, mbe guigira Zisas khotigi tiv, mbe ana kuegirga. Ne khan muunji, mbe wari wo khuarir bigi guiguigi njinigi mbatigi nzuai bunin tigip, mba njinigi mbatigi nzuai buni, mbe nta zin ngirga.

3:16 Mk 16.19; Zo 1.14; 16.8-9; 1 Pi 1.12; 3.18 **4:1** 2 T 3.1; 1 Pi 1.20; 2 Pi 2.1; 3.3; 1 Zo 2.18; Zu 1.18; VB 9.20; 16.14

² Mba bigi guiguigi gumgi, mbe mba guiguigi bunin mba gumgi gu mbigi ga suanga. Mba gumgi, mben ndikndigi guigira pham vegim, mbe wari wo mbui tivi mbatigi, mbe nta ndikndigi fhuvara.

³ Mba gumgi, mbe mani gu muuñ warir rigirgen guigira Zisas kothigi gumgi gu mbigi thivav, mbe vhira Fhe Bakime nza ana kothigav, ana buna guarenj kanji gumgi gu mbigi, ana nza mbirgenj nzuav muuñgi mba, mbe ntan mbirganen mbe thivi. Mba mba nza ntan mbiv, nta suanjv Fhe Bakime phorgi suanjv ana ndikndigirga.

⁴ Nza kanji, Fhe Bakime muuñgi bigi, nta zam bigir vhuuñra. Nza nta ganiv, khan suanga fhu, nta bigi mbatigi ma. Fhuvara. Nza nta suanjv Fhe Bakime phorgiv suanjv ana ndikndigip, nta ndirga.

⁵ Fhe Bakime nzuai hegi bigi, nza nta nzuav, ana phorga nzuav ana ndikndigi buni, nta mba mba gum bigi ga muuñgim, nta Fhe Bakime niman ngarigi.

Timoti Kraisan ñaara guman vhuuñ kiri.

⁶ Ndu maanj muuñgip khan muuñgi kamen guigira Zisas kothigi gumgi ga suanga, ndu guigira Krai Zيسان ñaara guma vhuuñ kirga. Ndu maanj muuñgiap, ndu nza mbararav kothigi bunin vhuuñ, ndu ntan ñkasñka ndigip, ndu mba ndigi ndikndigir vhuuñ, ndu nta zin vugi.

⁷ Gumgi mbari, mbe Fhe Bakime ndikndigi zin vui fhu. Mbe nzigi buni nzuav, mbigi gu thari

4:3 Stt 9.3; Ro 14.6; 1 Ko 8.8; 10.30-31; Kor 2.20-21; Hi 13.4 **4:4**
Stt 1.31; FG 10.15; Ro 14.14; 14.20; 1 Ko 10.25; Ta 1.15 **4:7** 1 T 1.4;
6.20; 2 T 2.16; 2.23; Hi 5.14

nzuai buni nzuai. Ndu guigira kir nta segiri. Ndu tuituigira Fhe Bakime nzuai tivi kangiri.

⁸ Ndu kangir, nza maan muungip wari wo fhavir muungirim, nta nkasnkagir sanv, nza zazera wari won fhavir muunrim, nta zazera mba tivar muunga, mba tiv thanen nzan kurarga. Nza tuituigira Fhe Bakime tivi kangip, nza ntan muunga. Mba tivi khan tigip havhargip nzan kurarga. Mba tivi ntige nza khar ki kiri tivir nzan kurarga. Mba tivi vhira, zungum nza Fhe Bakime han kirga kiri tivir nzan kurarga.

⁹ Kha kamen ne guigi guarara, gumgi zam ne mbararav, ne kothigiri. ^a

¹⁰ Zazera mbara muungiap ki Fhe Bakime, ana taagiap za kha gumgi gu mbigi ndi guma ma. Nza ana kothigi gumgi gu mbigi, ana guigira taagiap nza ndi. Nza guigira ana kothigap, anan rargap ki, ana guigira tivir vhuuin nza mbuim, nza maan muungiap zazera njaara mbatiga mbui.

¹¹ Ndu kha bunin mba gumgi gu mbigi ga suanv kaman havharar, nta zin ngir sanv, mbe suanv mbe khiviri.

¹² Mbe ndu garim, ndu manen guman kamara ki. Mbe khuen ndu ndikndigi thari, ndu guma khin ma. Fhuvara. Ndu tivir vhuunra muunrim, mba Fhe Bakime zin panan ruagi gumgi gu mbigi ndun tivi ganiv, nta zin ngiri. Ndu nzuai buni, ndu tivir vhuunra mbui buni suanv, ruru vhuunra

4:8 Sng 37.4; Mt 6.33; Ro 8.28; Kor 2.23; 1 T 6.6 **4:9** 1 T 1.15
^a **4:9** Nza kangir fhuvara, ana khan suan za mbui, maanji kamen ne guigi guarara. Mba kamen ves 8 ki o, ves 10 ki. **4:10** Sng 36.6; 1 Ko 4.11-12; 1 T 2.3-4 **4:12** 1 Ko 16.11; Ta 2.7; 2.15; 1 Pi 5.3

muony, guigira wo ndavar harigi ntiri niiri, guigira Zisas kothigip, Fhe Bakime vuzvugi tivir mbe khiviv, mbe suanri.

¹³ Gu maan muungip vhemkora zigirga fhu, ndu Fhe Bakime buni vhuuini ki gava ganiv, mba bunin niinge bun guigira Zisas kothigi gumgi gu mbigi ga suany, Fhe Bakime vuzvugi tivir mbe khiviv, mbe suanri.

¹⁴ Ndu mba Fhe Bakime fhura ndu niingi nkasnkarakar naarar muungen vhuuvhugi thari. Mba tugen sios gari gumgir pani, mbe farver ndu khingiap, guma mbe Fhe Bakimen kamthoon gumgi nzuai mbugum, ndun muunga tivir ndu suangi.

¹⁵ Ndu zazera wo mbui naari tuituigip nta ganiri. Ndu khang tigip nkasnkagip mba naarar muunrim, nta hiriir vhuunra muunri. Ndu maan muunrim, mba gumgi gu mbigi ndu mbui naari ganirim, nta guigira nzerara higurga.

¹⁶ Ndu wo mbui tivi, ndu tuituigip nta ganiv, mba gumgi gu mbigi khivav, mbe nzuai naari, ndu vhira tuituigip nta ganiri. Ndu khang tigip havhargip maan muunga, ndu mba ngari naarar panan, Fhe Bakime taagip ndu ndiv, ndu buni mbararagi gumgi gu mbigi, ana vhira taagip mbe ndigirga.

5

Timoti kha gumgi gu mbigi ganirim, mbe ana ndegi, gu ndegmbori gum, ana nguigi gum bivira kiri.

¹ Ndu gumgi vuri ga vhegi thari. Ndu mbarara mbe suany, mbe ndiv thigar maanyri. Ndu won ndia girgira mbui tivara mben muunri. Ndu mba tivara gumgir nkaar muunri. Ndu wo phorge regi ntiri ga mbui tivara mben muunri.

² Ndu won ndegmbori ga mbui tivara, ndu mba mbigi vurir muunri. Ndu wo phorge regi mbigi hirin ga mbui tivara, ndu mba mbigir nkaar muunri. Mba tiv, ana guigira Fhe Bakime niman ngarigi.

The mba mani vhezgi mbigi ganirie?

³ Maan muungip, mbiga the ana mana ringirim, ana ganinga guma the ki fhu, ndu tivar vhuunra ana muunri.

⁴ Maan muungip, mba mana ringi mbik, ana tari gu nzigi ki, ndu mben kurkurav mbe suany khan mbe suanyri. Nde fharav Fhe Bakime rimani niman muunga naar khare, nde won ndegi gu ndegmbori, nzigi gum nzikmbigi ganiri. Mbe mba tivara muunga, mbe fhum mbe garav, mbe nzuav ngarigi naari, mbe nta nkarkarga. Fhe Bakime guigira mba khesharigi tiva vuzvugi.

⁵ Maan muungip, guma the ringirga, ana muun nduara kirga, mba mbik khan muunri. Ana guigira Fhe Bakime kothigip, Fhe Bakime ana kurkurargen rargap, zazera raa gu maan Fhe Bakime phorgi suany, anan nzaany, kiri.

⁶ Maan muungip, guma the ringirga ana muun nduara kiv, ana wo fhava vuzvuga zin ngirga, mba mbik, ana vira, ana ringi fara muungiap ki.

⁷ Maan muungiap, ndu mba gumgi gu mbigi ga suanrim, mbe tivir vhuuira muunrim, mba gumgi gu mbigi buni mbatigir mbe suanga fhu.

⁸ Ndu mbarara. Maan muungip, guma the ana wo phorge rigi vizina bavira gari fhu, ana vhira won fegutari, ana mbe gari fhu, mba guma, ana guigira Zisas kothigi tiv, ana ana thav, ana guigira guma mbatik ma. Nde guigira Zisas kothigi gumgi, nde mba tiva mbuav, nde mba Zisas kothigi fhuv gumgi kambarav, nde guigira tiva mbatiga mbui.

⁹ Mba mani vhezgi mbigi, mben rigar, ndu kha khesharigi mbigi zirira khergiri. Mba mbigi mben mpari vov, 60 kambarigi, mbe vhira mani bevbevira rügia kegi. ^a

¹⁰ Mbe mani bevbevira rügia kav, mbe mbarkirga tivir vhuuira muungi ziri ki. Gu kha khesharigi ñaari vhuuian nzuai, ana won tari, ana tuituigap mbe garav, harigi ñguir kega zi gumgi, ana mban mbe ndiv, guigira Zisas kothigi gumgi, ana mben ndikndigap, wo mbevav, fhura mben ñaara mbik ki fara muungi. Ana vhira simtik ki gumgi gu mbigi, ana mben kurkurav, vhira harigi khesharigi ñaari vhuuian muungi. Ndu

5:8 Ais 58.7; Mt 18.17; Ga 6.10; Ta 1.16 **a** **5:9** Nza tuituigiap kangi fhuvara. Mbe than nzuav kha ziri khergi. Mbe bigi kangi gumgi mbari kha ndikndiga mbui. Mbe mani vhezgi ndir mbigi, mbe khan suangi, mbe wom harigi manin rigirga fhu. Mbe Fhe Bakimen ñaarara muunga. Mbe maan suangim, mbe guigira Zisas kothigi gumgi, mbe ziri khergi. Mbe mbe ziri khergiap, mbe mba gu bigir mbe gari. **5:10** Hi 13.2

mba khesharigi mbigi, ndu mbe zirira ndigiri. **b**

11 Ndu mbigir nkaa mbe mani vhezgi, ndu mbe ziri ndi thari. Mbe taagip manin rigir sanv ndavi khaviv, kir Kraisi ga segirga.

12 Mbe maan mbuav, mbe wo suangi kaaven, mbe nta phira sui.

13 Mbe vhira kha tivar muunga. Mbe vhukvhuga kivgiap, fhura pheni bogbogi rurga. Mbe vhukvhugi tivara muunga fhuvara. Mbe vhira guigira kha tiva vuzvugirga. Mbe harigi gumgi gu mbigi mbui tivi mbararav, mben vhiri gorav, mbe zin maanv, mbe suanga. Mbe maan muunv, mbe suanga buni vhirve nzerarga fhu. Nza mba khesharigi buni suanga fhu.

14 Maan muungiap, gu kha ndikndiga mbui. Mani vhezgi mbigir nkara ki, mbe wom harigi manin rigip, tari tiv, wari wo pheni ganiri. Mbe maan muungirga, nzan pana gumgi, mbe muungi tiva thuen ga suanv, buna mbatiga thuen nza suanga fhu.

15 Ndu kanji, mba mani vhezgi mbigir nkaa mbari, mbe tuavar vhuun thav, mbe Satan zin vui.

16 Maan muungip, mbiga the, ana Zisasi kothigi, ana phorge regi mbigi thari, mben mani vhezgi, mba mbigara mba mani vhezgi mbigi ganiri. Ana

b 5:10 Ndu Zon 13.1 kegip gani ngip ves 17 thigiri. Mbe mba tugen mbui tivi khare. Gumgi gu mbigi thari, ndu phenan zigirga. Ndu kanji, mbe mba tuavar zim, mba tuavar vherin mben nkari ga muungim, mbe nkari nzanzanji, nde mben nkari ruagiri. Mba naar ana naarar mbik gum naara guman naar ma. Zisasi, ana khan wo farasegi 12 thigi naara gumgi ga suangi. Nde mba khesharigi tivar muunv, nde za mba harigi gumgi gu mbigir naari gumgi kiri. Matiu 20.25-29 thigiri. **5:13** 2 Te 3.11 **5:14** 1 Ko 7.9

maan muunga, mba siosan ki gumgi gu mbigi mbe ganiv, mben simtigi ndirga fhu. Mba siosan ki gumgi gum mbigi, mbe mani vhezgi mbigi, mbe guigira nduarira kim, guma the mbe gari fhuv, mbe mbe ganinga.

Nza njaar vhuunra mbui sios gari gumgir pani, nza tuituigira mbe ganinga.

¹⁷ Nde njaara vhuuan mbui sios gari gumgir pani, nde zi bakime gum vheza vhuun mben niiri. Nde fharav niinga niiri khare, mba Fhe Bakime buni vhuuin bun nzuav njaara mbatiga mbuav, ntan gumgi gu mbigi ga nzuav, Fhe Bakime vuzvugi tivir mbe khivi gumgir pani, nde fharav mben niiri.

¹⁸ Nza kanji, Fhe Bakime buni vhuuin ki gap khan nzuai, “Nde borombaga rezi gu bigi gurim, nde mban ana thivi thari.” Nza kanji, “Njaara guma, ana won vheza ndir zav ana ngari.”

¹⁹ Maan muungip, guma the khan suanga, “Kha sios gari guman pan, ana bigin mbatik muen muungi,” ndu khuarar mba bunen rigi thari. Ndu mbararari, guma phuni o, phuni khegene mba bunen suanrim, ndu ne mbararari.

²⁰ Maan muungip, sios gari guman pana the tiva mbatiga thuen muungirim, ndu sios niman ana phorgip suanv, mba bigen ndiv thigar maanri. Ndu maan muungirga, mba sios gari gumgir pani, mbe rivgirga.

Timoti wo mbui tivi, ana tuituigip nta ganiri.

²¹ Gu Fhe Bakime gum, Krais Zisas, Fhe Bakimen enseri ki, gu mben rimgi niman, gu khan ndu nzuai. Gu ndu suangi n̄aari, ndu tuituigira nta ganiv, ndu mba mbui tiva bavira za mba gumgir muunri. Ndu tivir vhuuin gumgi ruura muunv, won kivntogira muun thari.

²² Ndu Fhe Bakime n̄aarar muun sanv fhumra farver guma the khingip, ana suanv Fhe Bakime phorgiv suan thari. Ndu muunv kiv, harigi gumgi tivi mbatigi nduiga ndave rigirga. Ndu tuituigip wo ganiv, ndu Fhe Bakime niman n̄garavra kiri.

²³ Ndu mbi khinara pi tiv, ndu ana thari. Ndu tugi tharir wain bisanera mbiri, ndu wo ndava vhen ki rimrima suanv, mba rimrim ndu ndava vhen kav, zazera ndun hi.

²⁴ Gumgi mbari, nza mbe mbui tivi mbatigi, nza nta kanji. Mben tivi mbatigi, mbe rarga mbur ki. Mbe zungum mba tivi mbatigi, mbe suanv suanvirga. Gumgi mbari, mben tivi mbatigi, nza nta kanji fhu, nta zorgap ki. Nta zungum kirar hirga.

²⁵ Mba tivara, tivir vhuuin mbari kirar hi, nza nta gari. Tivir vhuuin mbari, nta vhemkora kirar hi fhuvara. Nta mbara muungip zorgi kegirga fhuvara.

6

Fhura n̄aara khina mbui n̄aara gumgi, mbe tivir vhuuinra muunri.

¹ Guigira Zisas kothigi gumgi, mbe fhura harigi gumgir njaara gumgi khini kiri, mbe vhira wari gari gumgir pani, mbe mben piin kiv, mbe ziri ndiy vun kuamkuari. Mbe maan muunrim, mbe gari gumgir pani, mbe buni mbatigir Fhe Bakime zi suanga fhu. Mbe vhira buni mbatigir nza guigira Zisas kothigi tiv, mbe ana suanga fhu.

² Maan muungip, njaara guma khina the gari guman pan, ana guigira Zisas kothigi guma ma. Ana njaara guma kha ndikndigar ana muun thari, “Ana, nka guigira Zisas kothigi fek gu nguk ma.” Ana mba ndikndigar muungip, ana buni daan su thari. Zakira fhuvara! Ana kha ndikndigar ana muunri, “Gu kha kurkurav ngari guma, ana guigira Zisas kothigi guma ma. Gu maan muungiap guigira ndavar ana niingi.” Ana mba ndikndigar muunga, mba ndikndik, ana khavirga, ana njaara vhuun muunga. Ndu zazera tivir vhuuin muun sanv, mba gumgi gu mbigi ga suanv mbe khiviv, ndu gu suangi tivar muun sanv, mben ndikndigi khaviri.

Guigira nkia vuzvugi tiv, ana za kha tivi mbatigir niinge ma.

³⁻⁴ Nza Bakime Zisas Krais bunin vhuuin, nta tuituigiap Fhe Bakimen tivir vhuuin nza khivav, nza nzuai. Maan muungip, guma the mba buni vhuuin thav, ana harigi khesharigi bunin gumgi khivi, mba buni Zisas bunin vhuuin fara muungi fhu, nza kanji, mba guma, ana won tivira vuzvugiap, ana fhura ririri. Ana bigin thuen kanji fhu.

6:1 Ro 2.24; Ef 6.5; Kor 3.22; Ta 2.5; 2.8-9; 1 Pi 2.18 **6:2** Kor 4.1; 1 T 4.11; Fm 1.16 **6:3-4** Ga 1.6-9; 2 T 1.13 **6:3-4** 1 Ko 8.2; 1 T 1.4; 1.7; 2 T 2.23; Ta 3.9

Zakira fhuvara! Ana bigi kaadogap, hurar bigi ga mbuav, kambai ndikndigi ga mbuav bigi bisarire ga nzuav, fhura daai. Kha khesharigi buni, nta gumgi ga mbuim, mbe harigi gumgi ga nzuav ndavi shi. Mbe ndavi shiav, wari daav, wari nziiav, ndikndigi mbatigir harigi gumgi ga mbui.

⁵ Mbe maan mbuav, zazera tamtam wari ga vhegi. Mba khesharigi ndikndigi ga mbui gumgi, mben ndikndigi za nannangim, mbe thanen buna guaren kanji fhu. Mbe khuen ndikndigi, Fhe Bakime zin vui tuav, mbe fhura nkia gu bigi ndi. Zakira fhuvara!

⁶ Maan muungip, nza guigira Fhe Bakimen tivi zin vuim, ana nza niingi bigi, nta tugira. Nza nta nzuav Fhe Bakimen ndikndigi. Nta mba bigi vhuuin vhirve kamarigi.

⁷ Nza khuen kangiri, nzan ndegmbori nza tegim, nza kha nuianan hegi, nza bigi thari ndiga zegi fhuvara. Nza vhira kha nuiana thav taagi ngirga, nza bigi thari ndigi ngegirga fhu.

⁸ Nza maan muungip mba gum shagi kirga, nza khan suanga, “Kha bigi, nta tugiratigi.”

⁹ Guma nkia vhirve gum bigi vhirve vuzvugi, mba guma mpampare anan higip, vha farar muungip anan suirarga. Mba vuzvuk bigi mbatigi vhirver muun sanv mben ndavi khavirga. Mba vuzvuk mben farfagirim, mbe guigira nannangirga. Mbe mba tivar muunv za mbatigirga.

6:5 1 Ko 11.16; 2 T 3.8; 4.4; Ta 1.11; 1.14; 2 Pi 2.3 **6:6** Sng 37.16; Snd 15.16; Fi 4.11-12; 1 T 4.8; Hi 13.5 **6:7** Jop 1.21; Sng 49.17; Snd 27.24; Sav 5.15 **6:8** Snd 30.8; Hi 13.5 **6:9** Snd 23.4; 28.22; Mt 13.22; 1 T 1.19; 3.7; Ze 5.1

10 Guigira ηk̄iia vuzvugap, nta nzuav thagine mbui tiv, ana mbarkirga tivi mbatigir n̄iηge ma. Gumgi mbari, mbe guigira ηk̄iia vuzvugi. Mba tiv, mbe ηgirgim, mbe guigira Zisas kothivi thav, mbe simtigi baikivi wari ga nd̄ii.

Nza kh̄iriv khuafuv, nza zazera mbara muηgiap ki b̄iηb̄iη ndigirga.

11 Mbe maan̄ muunga, ndu, ndu Fhe Bakime guma ma, ndu mba khesharigi tivi mbatigi, ndu za kir nta segip, za nta ηk̄iari. Ndu nta ηk̄iav, ndu khan̄ tigip havhargip, Fhe Bakime suan̄v, tiva guara zin ηgip, ηgariri. Ndu nta ndiv, ndu guigira Zisas kothigi tiva guar gum guigira ndavar harigi nt̄iri ga nd̄ii tiv, ndu ana ndiv, ndu v̄hira thiga havhargiap, simtigi ndi tiv, ndu ana ndiv, ndu v̄hira mbarara gumgi gu mbigi ga nzuai tiva ndigiri.

12 Ndu guma guigira Krai kothigi, ndu guigira khan̄ tigip ηaara mbatigar muan̄v, ana nzuai tivi, ndu guigira nta zin ηgiri. Maan̄ muηgip, ndu zazera mbara muηgiap ki b̄iηb̄iη ndigirga. Ndu thiga havhargiap, gumgi gu mbigir v̄hurve niman, ndu Zisas kothigi ne bun nzuai, Fhe Bakime mba b̄iηb̄iη ndir zav ndun kamgi.

13 Ndu b̄iηb̄iη za kha bigi ga n̄iηgi Fhe Bakime gum, ndu Krai Zisas ηkasηkagiap, Pontius Pairat niman tigap, Fhe Bakime kothigi ne bun suan̄gi. Ndu mani rimani niman, gu kama havharar khan̄ ndu nzuai.

14 Ndu mba ndigi buni, ndu tuituigira nta zin ngiri. Ndu bigin thuenj muungirim, mba gumgi buni mbatigir mba bigenj ga suanj thari. Ndu tuituigira mba buni zin ngiv kirim, nza Bakime Zisas Kraisa za kirar higiri.

15 Ana Fhe Bakime sarigi tugara, ana higirga. Fhe Bakime, ana guigira ndikndiga guara niinge ma. Ana nduara za kha bigi gari. Ana za kha ngui vhirve gari gumgir pani gari guman pan ma. Ana vhira za kha gumgi bakivi gari Guma Bakime ma.

16 Ana nduara rii ne fhuvara. Ana vhava njara bakime ki, nza ana han ngigirga tuktigi fhuvara. Guma the, ana gangi fhu, guma the, vhira ana gangirga tuktigi fhuvara. Maanj muungiap, nza zazera zi bakimen ana niinga, ana zazera mbara muungij kaska ki. Ne guigi guarara.

Nkisa gu bigi vhirkivi gumgi, mbe Fhe Bakime khotigip, mbe harigi gumgi gu mbigir kurkurari.

17 Ndu kha nuianan nkisa vhirve gum bigi vhirve ki gumgi ga suanjri, mbe ririv, nduarira wari wo ziri ndiv vun kuamkua thari. Mbe mba vhemkora mbarigi bigi, mbe nta khotivi thari. Mbe guigira Fhe Bakime khotigiri. Fhe Bakime, ana nza guigira ndikndigi bigi vhirver nza ndii ne ma.

18 Mbe harigi gumgi gu mbigir kurkurigi tivir vhuinj vhirver muunjri. Mbe zazera bigir vhirver, mba bigi, sosuagi gumgi gu mbigir niinjri. Mbe khuenj ndikndigi thari, nkisa gu bigi nta guigira bigi

6:14 Fi 1.6; 1.10; 1 Te 3.13; 5.23 **6:15** Lo 10.17; 1 T 1.11; 1.17; VB 17.14; 19.16 **6:16** Kis 33.20; Zo 6.46; Fi 4.20; Zu 1.25 **6:17** Sng 62.10; Mk 10.24; Ru 12.20-21; 1 Te 1.9 **6:18** Ro 12.13; Ga 6.6; Ta 3.8; Hi 13.16; Ze 2.5

guari ma. Fhuvara. Mben bigina guar khare, tivar vhuun harigi ntirir muunga.

¹⁹ Mbe maan muunga, mbe zungum warir kurkurarga bigi vhirve ndigirga. Mbe vhira zazera mbara muungiap ki biiñbiiñ guara ndigirga.

Timoti tuituigip wo mbui ñaara ganiri.

²⁰ O, Timoti, ndu mba Fhe Bakime ndu niñgi ñaar, ndu tuituigip ana ganiri. Ndu mbe fhura tamtam nzuai buni, mba Fhe Bakime ndikndigi zin vui buni fhu, ndu kir nta segiri. Ndu kir nta segip, ndu kha ndikndiga mbui gumgi, nza za kha bigi kanji. Mbe mba suambara mbuav, mbe nzuai buni, nta Fhe Bakime ndikndigi ga sarigi. Ndu mba khesharigi gumgi, ndu mbe thav samra kiri.

²¹ Gumgi mbari, mbe mba khesharigi ndikndigi zin vov, mbe guigira Zisas kothigi tiv, mbe ana thagi.

Fhe Bakimen korar muumbar nde phorgi kiri.

Fhe Bakimen Kaman Kamen Kire New Testament

copyright © 2001-2004 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamen in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-02

PDF generated using Haiola and XeLaTeX on 2 May 2025 from source files dated 2 May 2025

bfb792d-a7df-5425-8e30-1e4968f04468